

A termina e prome tanda di sesionnan cu gremio



Droga benta den bebida di dama na un bar banda di Holiday Inn Hotel



Minister Endy Croes: TA FELICITA MUCHILA CREATIVO CU UN IMPRESIONANTE BAZAAR EN CONEXION CU DIA DI HIMNO Y BANDERA



PROME MINISTER TA PRESENTA RELATO ANUAL 2021 DI SU MINISTERIO



Emmanuel Brumadas
DENTAL SOLUTIONS

For URGENT
Dental Emergencies
please call
+297 585-3255
+297 592-9398

24/7 SERVICE

Parlamentario Alvin Molina (MEP):

Combatiemento di criminalidad mester cuminsa den barionan

Durante e reunion publico cu a tuma luga siman pasa riba e tema di criminalidad bou di hobennan, Parlamentario Alvin Molina a presenta dos mocion, cu mester reforsa e maneho cu e Minister di Husticia ta hiba.

Segun Molina; pa cuminsa mi a tuma nota cu tabatin critica pe hecho cu mi persona y coleganan no a vota na favor di e mocion di oposicion (AVP) riba combatiemento di criminalidad. E tin un splicacion simpel. Mi persona a entrega un mocion parcialmente similar cu esun di AVP, cu ta encera un proyecto pa entrega arma. Sinembargo, punto number 2 di e mocion di AVP ta formula un peticion cu

den mi opinion, ta un trabou legislativo cu mester wordo haci door di Parlamento y no door di Gobierno. Esey ta e motibo cu mi persona y mi coleganan a vota contra di e mocion aki. Ta trata akinan di un discusion riba aumento di castigo.

Mi ta presidi e comision di husticia y mi lo percura pa e tema di aumento di castigo bini mas lihe posibel na mesa di discusion. Pa cu esaki lo yama encuentro cu 'stakeholders' pa crea un acuerdo nacional di kico ta posibel riba aumento di castigo pa casonan pisa manera asesinato. 'Mi no ta contra e topico aki pero simplemente e punto ey ta algo cu ta regarda e organo mas halto di nos pais cu ta Parlamento,' Molina a enfatisa.

E Parlamentario a sigui bisa; mi ta kere cu combatiemento di criminalidad ta responsabilidad di cada persona den e comunidad aki. Un bon punto di comienso ta Polisnan di Bario. P' e motibo ey mi a presenta un mocion pa Polis di Bario haya e atencion necesario. Cu esaki mi kiermen e personal mester ricibi e cursonan como tambe haya e materialnan necesario pa asina por atende specialmente cu e problemanan social cu tin cerca e hobennan.

Polis di Bario por bay hunga un rol importante unda ta crea un ambiente sano den e bario pa hobennan. Na momento cu tin e problema domina na su raiz, eventualmente varios tipo di



criminalidad aki bou di hobennan lo baha. Cu mi 'background' policial mi a mira di cerca e dolor cu hobennan cu cay den criminalidad ta trece tanto pa nan famia como

famia di e victimanan. 'Nos hendenan por ta sigur cu mi lo lucha pa combati criminalidad principalmente bou di e hobennan', Molina a finalisa.

Droga benta den bebida di dama na un bar banda di Holiday Inn Hotel

Mas caso ta presenta unda ta tira droga den bebida di hende muhe. Otro dama a core bay pidi ayudo na security di hotel!

Dialuna madruga a drenta informe di un otro caso di purba droga dama na un bar den cercania di Holiday Inn hotel, mesora a dirigi tanto polis como ambulans na e sitio. Na yegada di e patruya a bin compronde cu e dama victima a core busca yudansa cerca e security di e hotel pa un ambulans pero e dama tabata papia cu dificultad indicando cu nan lo mester a benta algo den su bebida na e bar banda di e hotel. Polis mes a ripara cu e dama lo a ser intoxica cu un of otro droga ya cu e dama tabata full bruha.

Na yegada di e ambulans nan a atende y a bay cun'e na hospital pa un control medico mas avansa y pa mira si acaso tabata trata di un intento of realmente tabata tin violacion sexual manera a sosode recientemente unda ta tira droga den bebida na e club banda di beach den cercania.

Polis tin e caso bao investigacion ya cu esaki no ta e prome biaha cu esaki ta sosode y net na e mesun lugar!



A termina e prome tanda di sesionnan cu gremio



Segun e mandato oficial di Gobierno di Aruba y e acuerdonan bilateral cu Hulanda, den luna di februari y maart 2022, Departamento di Impuesto a tene

un serie di "Stakeholders Meeting" na unda a tene dialogo cu gremio referente Reforma Fiscal 2023.

Durante e diferente encuentronan



a presenta e situacion financiero actual, e estructura legal acorda segun "landspakket" y e propuesta di reforma di leyman di impuesto cu no solamente ta inclui introduccion

di un sistema di BTW, pero tambe reduccion y compensacion di impuestonan directo manera inkomstenbelasting, loonbelasting y winstbelasting.

Brommer electrico a pega na candela na e rotonde Tanki Leendert riba E.J. "Watty" Vos blvd.



Diadomingo atardi a drenta informe di cu un brommer electrico lo a pega na candela na e rotonde Tanki Leendert riba E.J. "Watty" Vos blvd., mesora a dirigi tanto polis como bomberonan na e sitio.

Na yegada di e patruya ya caba bomberonan a yega na e sitio y a paga e candela. Afortunadamente ningun hende a resulta herida.



INTERUPCION DI CORIENTE

En conexion cu trabaonan necesario, coriente lo wordo interumpi:

Diahuebs, 24 di maart 2022
8:00 a.m. te cu 4:00 p.m.

Den vecindario di:

- Casnan di pueblo di Noord
- Kamay (un parti)
- Caya Cangreu (un parti)
- Saliña Cerca (un parti)
- Halifat
- Monserat (un parti)
- Turibana (un parti)
- Kurimiau (un parti)
- Noord (un parti)

Elmar ta pidi disculpa pa e inconveniencia cu e interupcion di coriente aki por causa.



ELMAR

Danki Pa E Comprension

Chauffeur bou influencia a dal un persona cu auto y a wordo deteni



Cas Ariba: Diabierna dia di Himno y Bandera, algo prome cu 8'or y mey di anochi, a sosode na e crusada di Cas Ariba un accidente. E crusada tabata ta basta druk cu e actividad di 18 di maart na e Plaza di Deto Varis. Un Nissan a bira na su man robes y e chauffeur no a pone tino cu tabata tin un persona crusando e caminda. E chauffeur a dal e persona cu su auto,

lagando e herida.

Mesora a pidi pa presencia di polis y ambulance, na yegada e personal di ambulance a trata e persona na e sitio y despues a transporte pa hospital. E chauffeur di e Nissan tabata bou influencia y a keda deteni pa core auto bou influencia.

E la wordo transporta pa warda di polis.



Otro turista seriamente herida despues accidenta cu quadramer

Bushiribana - Dialuna merdia den careda di 12'or un biaha mas turista a accidenta cu quadramer, e biaha aki na e boca pabou di e ruina di Bushiribana. Polis y ambulance mesora a sali pa e sitio, y na yegada a topa cu un dama turista. Tawata duidelijk cu e machine a sake, e tawata tin basta rasca y tawata cubri pa tera.

Por a mira cu e la ricibi sla na area di su boca. Paramediconan cu a yega mesora a cuminsa duna asistencia y despues a pone ariba brancard pa sali despues di un rato pa Hospitaal.

Casi tur siman tin sea accidente di UTV of Quadramer. Actualmente Aruba ta hayando hopi turista, lo por bay spera un subida substancial di accidentenan (Utv/Quadramer) cu tur su consecucionan.



Prome Minister Evelyn Wever-Croes:

PROME MINISTER TA PRESENTA RELATO ANUAL 2021 DI SU MINISTERIO

Durante Conferencia di Prensa di Gobierno di Aruba dialuna mainta, Prome Minister Evelyn Wever-Croes a presenta e 'Jaarverslag 2021', Relato Anual 2021 di su ministerio. Esaki ta e relato di e trabounan di e ministerio cu ta resorta bou di Prome Minister, a eherce durante di aña 2021. Esaki ta e di 4 aña cu Prome Minister ta publica e relato anual di su ministerio desde 2018. Despues di e prome relato, el a publica cada aña.

Prome Minister a indica cu e relato anual aki a wordo presenta na Parlamento pa Parlamentarionan por haye den curso di dialuna mes pa nan por tuma nota di dje y pa nan ta informa kico tur e ministerio di asuntonan general ta atende cu ne.

E relato anual ta wordo publica tambe riba e website 'Prime Minister's Office' pmo.arubagov.org pa asina tur hende por tin acceso na dje. Tambe por wordo haya riba e Plataforma ISSUU na unda por download e y tambe por click e link riba pagina di Facebook di Gabinete Wever-Croes pa yega na e relato anual. Esnan cu ta desea, por solicita esaki

y lo por ricibi'e via email via un link. Tambe, e lo bay Biblioteca Nacional y e lo wordo registra na BUVO. Esaki, pa asina e ta accesibel tur caminda pa pueblo por tuma nota di dje.

Relato Anual 2021 di Ministerio di Asuntonan General, ta contene relato amplio di Integridad te cu na momento cu el a wordo pasa pa Minister Ursell Arends na september. Organizacion Gubernamental, ta e trabounan cu tin di haber cu organizacion di Gobierno. Innovacion. Energia, te na momento cu esaki a wordo pasa pa Minister Glenbert Croes na september. Infraestructura y Planificacion Teritorial. Milieu, te ora esaki a wordo pasa pa Minister Arends.

"Aña 2021 tabata un aña hopi particular na unda cu tabata tin hopi plan. Sinembargo pa motibo di Covid, nos a wordo limita hopi den ehecutacion di varios plan. Tambe e echo, cu Gobierno a cay 30 di maart y eleccion a tuma lugar dia 25 di juni, a pone cu durante e periodo di maart y september 2021, solamente por a atende cu 'lopende zaken', dus



cu asuntonan coriente y niun aspecto nobo. Pero por tuma nota tambe cu

hopi trabounan a wordo haci y plannan concretisa y por lesa esakinan den e

Relato Anual 2021", Prome Minister Evelyn Wever-Croes a duna di conoce.

SETAR: Cambio di e DNS di Setarnet

SETAR ta informa cu entrante 31 di maart 2022 lo tin cambio di e Domain Name System (DNS) di Setarnet. E siguiente IP adresnan lo descontinua y wordo reemplasa cu IP adresnan nobo:

IP adres bieu IP adres nobo
209.88.128.25 186.189.1.25
209.88.128.26 186.189.63.26

Clientenan cu tin un router of DNS programa manualmente lo mester cambia esaki prome cu e fecha di 31 di maart.

Pa loke ta SETAR su ADSL modems, Cablenet modems y ONTs, e cambio lo wordo haci automaticamente. Esaki den caso cu clientenan no a override e automatic mode pa esaki por sosode.

Clientenan cu tin DNS manualmente programa den nan router of switch, computer, laptop, etc., lo mester haci e cambio den nan IP adresnan manualmente. Tambe por ehempel clientenan cu tin un sistema di camara na cas y/of un fixed IP adres.

Pa mas informacion di con pa configura e DNS



riba diferente device, bishita e pagina <https://www.setar.aw/dns/>. Pa cualkier pregunta of mas informacion, por yama nos Contact Center na 127 of manda un Whatsapp na 597-9999.

GRUPO DI WAYACA CARIBISCHE SEÑIOREN DI CARIBENSENAN A CELEBRA DIA DI HIMNO Y BANDERA DI ARUBA NA DEN HAAG



Bandera di Aruba cu yen di alegria for di 10or di mainta te cu 4or di atardi. Varios hende, famia di e grupo aki y studiantenan a bini hunto, asina nan a pasa un dia hopi ameno yena cu informacion y bon ambiente.

Tabata un forma di trece Arubiano y Caribensenan hunto pa keda miho informa di e desaroyo di nos pais Aruba.

Wayaca ta un grupo pa Señoren Caribense biba na Den Haag. E comision di actividad ta activo recién pa 8 aña caba uniendo nos grandinan cu diferente celebracion y actividadnan durante henter aña.

Sigur nan ta gradici e PR di Departamento di Cultura (DCA), señor Stanley Dabian cu semper ta yuda nan spontaneamente y DCA pa e informacionnan ricibi, tocante nos Himno y Bandera y nos simbolonan nacional. Tambe un danki na Departamento di Turismo di Aruba na Hulanda pa nan bunita regalonan brinda pa e



miembronan di Grupo Wayaca. Un danki di curason. Pa mas informacion di e grupo aki por tuma contacto via e-mail wayaca15@hotmail.com cu Sra. Maritza Clemencia Coffie, presidente y Sra. Filma Flanegin, coordinado di comision di actividad.



Pabien na tur Arubianonan cu nos Dia di Himno y Bandera.



Den Haag – Grupo di 'Wayaca Caribische Señioren' di Caribensenan na Den Haag a celebra aya Dia di Himno y

Dama turista crucero a dal abao kap su cachete patras di Royal Plaza

Diaranzon atardi durante patruya polis a topa cu un dama turista crucero a trompeca dal abao y kap su cachete.

E herida tabata sangra profusamente y a pidi pa ambulans cu urgencia mientras a pone un "gauze pad" pa wanta e sangramento.

Como cu e ambulans a tarda y un nurse abordo di e crucero a pasa a yuda e dama cana bay e barco pasobra abordo di e barco tambe tin un dokter y por cose e herida. Polis a cancela e ambulans.



Minister Endy Croes: TA FELICITA MUCHILA CREATIVO CU UN IMPRESIONANTE BAZAAR EN CONEXION CU DIA DI HIMNO Y BANDERA

Diahuebs ultimo Minister Endy Croes a bishita e bazaar cultural cu a tuma luga dilanti Maggy's den Caya Grandi organisa pa Fundacion Muchila Creativo, cu ta un scol secundario pa nos hobennan special. 'Un atardi hopi placentero yena cu ambiente cultural y talento di nos hobennan', e Mandatario expresa.

E hobennan di e scol a toca tambu, drumset y canta canticanan dedica na nos dia nacional. E publico presente por a gosa di un excelente presentacion. Durante e bazaar a bende entre otro; pasaboca, chuculati y cuadranan traha p'e hobennan mes, na unda e mandatario a compra pasaboca y algun di e bunita artenan aki pa sostene e proyecto aki.

E Mandatario ta gradici pe invitacion y e caluroso recepcion. Alabes ta felicit Muchila Creativo su directora

sra. Rose-Marie Provance, docentenan y mayornan cu ta yuda masha hopi mes y specialmente nos hobennan cu a organisa un bazaar cultural sumamente bunita y exitoso.



Ladronnan a kibra e deposito di carwash den Windstraat y a bay cu e pressure washer


Diahuebs manta a drena informe di un caso di kiebrot y ladroncia na e carwash den inicio di Middenweg, mesora a dirigi un patruya na e sitio.

Na yegada di e patruya a bin compornde cu desconocidonan a kibra e deposito y a bay cu e pressure washer di e carwash.

Polis a tuma e keho y a pasa e investigacion pa recherche.



Aruba Bank a celebra dia di Himno y Bandera en grande



Facebook pa yega mas cerca di nos comunidad.

Ademas a patronisa e Festival di un Canto pa Himno y Bandera di nos muchanan y adulto cu tabata bon bishita y un exito rotundo.

Riba 17 di maart a transmiti e bunita proyecto documental di e musico y compositor Rufo Wever, pa sostene nos herencia y nos cultura.

E aña aki Aruba Bank, e banco pionero di Aruba, a celebra Dia di Himno y Bandera cu su clientenan, comunidad y dushi bishitantenan.

E banco a organiza un campaña interactivo riba e Plataforma social

Pa clausura e celebracion, manera ta un custumber, e clientenan na tur succursal por a disfruta di un dushi treat tipico di Aruba. Aruba Bank ta contento di por a aporta y celebra Dia di Himno y Bandera cu nos comunidad.



Prome Minister Evelyn Wever-Croes

ARUBA A CELEBRA DIA DI HIMNO Y BANDERA NA GRANDI

“Ohala cu e mesun amor y patriotismo aki inspira nos pa nos uni pa hiba nos pais padilanti”

Celebracion di nos dia nacional, Dia di Himno y Bandera fin di siman tras di lomba tawata hopi bunita na unda cu pueblo di Aruba a sali y celebra na grandi. E celebracionnan a cuminsa ya caba luna pasa cu e Parada Nacional, Cend'e Mecha 2023. E luna aki tabata tin e Concierto Cultural Nacional, e Festival Canto na nos Himno y Bandera, e Manifestacion Cultural dia 17 di Maart anochi cu tabata sumamente bunita, e Acto Protocolar dia 18 di Maart y esaki a wordo culmina cu e desfile di tur e gruponan uniforma cu mas o menos 635 participante den e gruponan di scouting so.

Diabierna dia di nos simbolonan nacional, tawata tin ambiente di



celebracion ful rond di Aruba. Diferenent luganan a organisa actividadnan cu Aruba semper tawata tin costumber di nan. Casnan a hisa bandera, of a decora pa asina muestra e



patriotismo di e Arubano orguyoso di tin su simbolonan di identidad. Prome Minister Evelyn Wever-Croes a expresa cu e echo cu Aruba ta saliendo di e pandemia, a yuda cu hopi ciudadano a sali y celebra e dia aki despues di dos aña di a celebra na un manera diferente.

“Loke por a constata tabata un ambiente hopi positivo, di alegria y di hopi patriotismo. Mi ta kere nos mester duna nos mes un gran elogio pa e

forma grandi cu nos a sali y celebra, cada un na su manera, nos dia nacional”, Prome Minister a remarca.


Prome Minister, den conferencia di prensa di Gobierno di Aruba dialuna mainta, a gradici den nomber di Gobierno di Aruba, den nomber di Aruba, tur esnan cu a haci tur e celebracionnan aki un exito rotundo. Un gradicimento special na Minister di Cultura, Xiomara Maduro, Comision Celebracion

Dianan Nacional (CCDN) y henter e ekipo cu a organisa cada evento pa brinda Aruba un bunita programa.

“Esaki sigur tabata loke nos tabata tin mester como pais. Ohala cu e mesun amor y patriotismo cu nos a demostra den e dianan aki, inspira nos den e retonan cu nos tin cu experiencia den nos dia diario y pa nos uni den e lucha pa hiba nos pais padilanti”, Prome Minister Evelyn Wever-Croes a expresa.

BO KIER SA CON PA CAMBIA BO MANERA DI PENSA?

Participa na e charla “E Secreto Di E Mente Subconciente” y lo bo siña con!



Diamars 22 di maart pa 7:30 pm na Hilton Resort e organisacion Rainbow for Girls ta organisa charla e titula “The most amazing secret of the subconscious mind” (E secreto mas asombroso di mente subconciente.)

E charla lo wordo presenta na ingles pa Eddy Oduber cu ta un hypnoterapista certifica y director di Aruba Hypnosis Center. Eddy tin casi 16 aña den e ramo aki y durante di e charla e lo splica con e mente ta traha, dicen nos



ta haci loke nos ta haci y comparti e pasonan cu por tuma pa por probcha di e mente subconciente.

Entrada pa e charla ta Fls. 35,- y registracion ta cuminsa 7pm y e charla ta cuminsa 7:30pm. Tambe por participa online via Zoom tambe pa Fls. 25,-, pa por participa via Zoom lo mester pre-registra. E entrada di e charla ta pa recuada fondo pa por cubri gastonan pa e organisacion por haci varios proyecto social manera entre otro yuda e

organisacion Ban Lanta y Planta pa planta varios mata.

Rainbow for Girls ta existi pa casi 20 aña na Aruba y ta un non-profit youth service organization pa hoben femenino di entre 11 pa 20 aña. E organisacion ta yuda fomenta mas confiansa propio y liderazgo via di servicio comunitario.

Cada 6 luna tin un board nobo y e tema di e periodo aki ta “Growing with Rainbow”. E periodo aki tin como meta pa crece hunto como

miembro. E biaha aki un poco unico door cu e proyecto lo no solamente duna e miembronan e oportunidad pa crece pero door di tene e charla lo permiti comunidad pa tambe ta parti di esaki como desaroyo propio.

Pa join e charla por compra ticket di entrada na tur sucursal di Nature's Discount, miembronan di Rainbow for Girls of via WhatsApp 564-3494. Pura lihe, e ticketnan ta bayendo rapido.

22 di maart, ta Dia Mundial di Awa

Riba e dia Mundial di Awa aki, laga nos ta mas consciente di e importancia di awa.

Awa
NOS RECURSO DI MAS VALIOSO

DIA MUNDIAL DI AWA
22 - 03 - 2022

Awa ta indispensabel pa nos biba.
Cuida awa ta responsabilidad di nos tur. Ban no malgast'e y ban probcha di dje pa un bon higiena, entre otro!

Minister Rocco Tjon:

A HAYA RECORIDO Y A REUNI CU HUNTA DI MANEHO DI STICHTING VOOR VERSTANDELIJK GEHANDICAPTEN ARUBA (SVGA)

- Riba dia mundial di down syndroom, Minister di Husticia y Asuntonan Social Sr. Rocco Tjon, a haya un recorrido y a reuni cu e hunta di maneho di “stichting voor verstandelijk gehandicapten Aruba” (SVGA). A bishita tur e diferente departamentonan cu ta resorta bou di SVGA, y a haya e oportunidad di papia cu e trahadonan cu ta haci e trabou aki dia aden y dia afo cu hopi pasion y amor pa nos hendenan cu limitacion.

E mainta a cuminsa cu un recorrido na scol “duna un man”, caminda a haya un splicacion amplio di e cabesante di e scol. E cabesante a splica con, a base di un enseñansa mas individualisa, ta trata na yuda e muchanan aki. Siguientemente a bishita “Bibito Pin” y “Man na Obra”. Segun Minister Tjon, el a keda hopi impresiona di mira con e lidernan ta guia e gruponan aki, tambe a expresa cu e programanan cu ta ofrece

ta uno hopi diversifica, caminda e meta final ta, pa percura cu e clientenan aki por haya un afiliacion sea serca un otro tipo di enseñansa of ta yudanan re-integra den e mercado laboral.

Segun e Mandatario, e ta algo di aprecia di wak con e trahadonan ta duna tur di nan banda pa percura cu nan por guia nan clientenan y asina brindanan un oportunidad husto, como tambe un trabou sigur, pues esaki ta di balor agrega pa Aruba. Durante e recorrido aki, loke tambe a resalta ta con limpi cada edificio, cu ta resorta bou di e fundacion aki ta. Esaki ta un indicacion di e seriedad cu e bestuur como tambe e lidernan y maestronan tin pa nan trabou.



Cada departamento di SVGA ta traha cu otro gruponan, pues pa e motibo ey e clientenan ta wordo gescreeen a traves di un grupo di profesionalnan cu ta traha na SVGA. E grupo di profesionalnan aki



ta consiti di diferente specialismo, manera ortopedagogo, logopedista, psicologo y a base di e screening aki nan ta wak ki programa ta fit miho cu cada cliente. Algo bunita cu a resalta, ta cu tin diferente companianan den sector priva cu ta duna un aporte na e diferente programanan di e diferente departamentonan. No solamente ta aporta na un manera financiero, pero ta aporta tambe den e sentido cu ta duna e clientenan aki un oportunidad di por forma parti di nan compania door di haci cierto trabounan, pues ta algo di aprecia.

Por ultimo, Minister Tjon a indica cu ta wak bek na un dia sumamente fructifero, caminda a reuni tambe cu e hunta di maneho di SVGA, tocante diferente puntonan di atencion como tambe nan retonan di mas grandi pa e añanan binidero.

Pues, di parti di Ministerio di Husticia y Asuntonan Social lo wak na ki forma por percura pa dunanan e yudansa cu nan tin mester pa por surpasa e retonan aki.



Miss Teen Aruba International ta cla pa su temporada 2022

Ultimo dia pa inscribi ta 30 April 2022



GLW Foundation ta den pleno preparacion pa Miss Teen Aruba International 2022. E aña aki celebrando 13 aña di eleccion unda cu durante añanan Miss Teen Aruba International a sa di demostra cu e comision ta traha den e mihor formacion di e candidatanan y e logronan durante e ultimo 15 añanan aki cu George Winterdaal como Presidente pa e prueba di e trabou cu e candidatanan. Paisnan unda e candidatanan a bai ta Rep Dominicana, Panama, El Salvador, Bahamas, Guatemala, Costa Rica, Nicaragua, Honduras, Bulgaria y mas. Desde cu George a tuma e presidencia di Miss Teen Aruba y despues Miss Teen Aruba International a usa

e lema "Algo mas cu un certamen di beyeza" y tur aña ta organiza diferente proyectonan. GLW Foundation ta haci e.o Cupcake di Speranza, Un man pa nos ruman, Feed the Kids y tambe un sin fin di actividadnan caritativo cu e candidatanan. E comision organisador ta sigur prepara e candidata cu tur equipo necesario pa asina por yude den su desaroyo pa futuro. Bo tambe kier participa? Wel ta masha facil?

E aña aki GLW Foundation a haci algun cambio masha interesante. Nos a amplia e categorianan y awor ta duna mas hoben e chens pa por participa. Lo tin categoria Petite (MISS TEEN PETITE



ARUBA INTL) esaki pa hobennan di estatura abou te cu maximo 1.63 cm

Lo tin categoria Regular (MISS TEEN ARUBA INTERNATIONAL) esaki pa e hobennan di estatura riba 1.63 cm

Lo tin categoria Plus (MISS TEEN ARUBA GLORIOUS INTL) esaki pa e hobennan cu tin curva (estatura no ta importante)

Bo tin e edad di 15 pa 19 aña? Bo tin gana di biba un experiencia unico? Bo kier representa Aruba na nivel international?

Wel esaki ta bo chens pa participa. Gastonan?

Hopi biaha e preocupacion di Mayornan ta e gastonan halto cu no nesesariamente ta asina, Mirando e situacion, comishon organisador mes ta cubri

basta cos di e candidata, basicamente e unico gasto ta e trahe di gala cu no nesesariamente mester ta un shimis demasiado costoso paso e trahe no ta saka e candidata. E candidatanan lo ricibi di e comision organisador diferente Polo Shirts di Miss Teen Aruba International cual ta ser usa pa e diferente actividadnan. Tambe ta importante pa menciona cu pa anochi final no lo tin Trahe de Baño pero Trahe Deportivo cual tambe e candidata ta ricibi esaki di e comishon organisador, ademas e candidata ta ricibi su sapato.

Si cualkier mayor ta desea mas informacion por yama libremente George Winterdaal na 5616151 y asina por ricibi tur informacion y detaye. Final di

Miss Teen Aruba International lo tuma lugar diadomingo 17 di July den Cas di Cultura. Ultimo dia pa Inscribi lo ta diasabra 30 di April.

Lo tin un meeting cu mayornan y candidatanan y Presentacion pa Prensa ta 14 di Mei 2022.

GLW Foundation a prepara un agenda di actividadnan creativo, social y educativo masha great mes cu hopi eventonan unda nan lo siña hopi pero tambe lo have fun y disfruta di e temporada 2022. Nos ta desea GLW Foundation tur clase di exito pa e temporada nobo di Miss Teen Aruba International. Bo ta desea di representa Aruba na nivel international, no duda mas y yama awe mes pa mas informacion na 5616151.

Homber pata pata pero calmo calmo a haya lift cu polis pa su mesun seguridad

Diabierna madruga a drenta informe di cu tin un homber pata pata benta banda di un auto pabao di Bochincha, mesora a dirigi un patruya na e sitio. Na yegada di e patruya a bin encontra cu e homber benta banda di su auto, polis a lante y a papia cun'e y como cu e homber tabata calmo nan a hib'e pa su cas. Si tur hende ta calmo y trankilo manera e persona aki tur hende lo wordo yuda.



PITCH FOR TRASH2CASH UN OTRO BIG JOKE?

A bira obvio cu e gobierno y muy particular minister Arends tin un problema serio y un falta di vision den trese un solucion pa alivia e habitantenan di Parkietenbos. Minister Arends ta usa e mesun scenario cu su amo Premier Wever-Croes a usa pa entrega nos autonomia na Hulanda. Premier Wever-Croes a hasi comosifuera ta duna e pueblo un supuesto voz den e deliberacion cu Hulanda. Minister Arends ta start cu un programa di "public relations" unda ta supuestamente duna e pueblo e oportunidad pa yuda busca un alternativa duradero y realisabel den maneho di desperdicio. Fanaticonan lo usa como defensa pa ignorancia di minister Arends cu e problema di dump ta grandi. Tambe lo por bisa cu e ta hoben den politica cu poco experencia, pero eherse trabou di minister ta exige un preparacion formal, un vision den maneho di nos pais y sigur no ta un "on the job training". Tin evidencia sinenmbargo cu ta muestra cu minister Arends tin un di dos amo den persona di Otmar Oduber, pasobra e ta sigui e mesun scenario implementa pa Otmar Oduber den pasado.

Si tuma tempo pa lesa y mira e videoclipnan caro cu a ser traha pa un compania amigo di e gobierno aki, un bez por saca afo cu ta un manipulacion ta sosediendo atrobe. Por ehempel den e plaachi riba "hazardous waste" ta wordo bisa cu e incenirator ta kima e "medical waste" hasiendo comosifuera cu esey ta sosode diariamente. Nos a muestra cu esaki no ta berdad. Pero recientemente a core benta e "medical waste" den e incenirator chikito. Pues un otro manipulacion!(foto 1).

Dicon mester manipula? Den e videoclip riba e incenirator ta muestra cu ora cu logra pone e incenirator traha (pa un rato) ta muestra cu e no ta saca huma. Recientemente a sali den medionan di comunicacion con huma ta sali ora cu e incenirator chikito aki ta traha! (foto 2). Dicon atrobe ta manipula asina? Ta ken ta conseha e minister aki pa manipula pueblo? E PR di gobierno sr. Aldrick Croes? Interesante lo ta pa pueblo sa prome cu dia 22 di



maart ken ta den e panel cu ta consisti di 12 panelista. Esakinan lo ta hendenan "handpicked" pa e minister cu e por usa nan como harlequin? Manera nos a bisa caba, cu e "pitch" aki ta nada menos pa pone nos Ley di Comptabilidad un banda djis pa percura cu un "happy few cash a lot of money from trash"! E tipo di "sjoemelmento" aki nos a custumbra caba na unda directornan y prome consehero ta scohe pa coopera activamente den e bagamunderianan aki. Y ta parce cu atrobe "nobody cares"! Pio cu te hasta OM no ta worry! Y pa colmo e minister aki ta keda defende e porkerianan aki.

Ta di spera cu esnan den e panel aki ta esnan cu mester di e minister pa sigui cu su contract di PR of un consultancy contract of cualkier tipo di "hushmoney"? E escohencia di e panelistanan mester sosode na un manera habri y no por medio di un carta cu e minister ta manda pa "su" hendenan cu lo huzga djis pa tene e minister concerni contento. Kico ta e criterianan OBHETIVO" pa apunta e panelistanan? Natte VINGERWERK? Esaki absolutamente NO ta transparente! Consequentemente esaki NO ta INTEGRO tampoco! Duna tempo tempo. Na 2018 nos a adverti pero niun hende kier a tende, wel ata nos awe, un Serlimar desangrando y candela casi tur dia na Parkietenbos.

Despues di diamars e pueblo lo ser azota cu potretnan bunita pa un biaha mas manipula mescos cu nos conoce desde fin di 2009! Tur esaki pa pone man riba cabez di Otmar Oduber cu den e compra di e incenirator chikito a comete por ehempel: abuso di




poder y corrupcion administrativo pa asina ey faborese su sponsor. Ta p'esey pueblo por mira un videoclip na unda sr. Henriquez kier bin pretende cu e incenirator aki ta un "state of the art"! Esaki cu e unico proposito pa tapa e corrupcion y pa despues yena Parkietenbos cu e inceniratornan aki. Henter e procedura aki ta pone mi pensa riba e deal misterioso di LNG. Pues yen di secrecia. Den e caso aki tambe ta "handpick" e "pitchers" pa hasi propaganda pa nan producto den un videoclip pa diamars den un sala decora luhoso pa e "pitchernan" aki "pitch" nan "trash" pa despues nan por "cash in". Y e panelistanan cu tambe ta wordo "handpicked" lo t'ey pa sinta manera e fanaticonan den e sala pa bati man.

Loke ta muestra di e "joke" di e minister na unda e ta pretende cu e evento lo ta porta cera. Usando

e pretexto cu esaki ta pa motibo pa proteha e derecho intelectual di loke e "pitchernan" presenta! Ta ken minister Arends kier tuma hasi? E tecnologianan cu lo wordo presenta no ta riba e propaganda pa "trash2cash"? E ora ta cual derecho kier proteha y kico tin di sconde tras di e evento porta cera e ora? Of no kier bisa nada di e forma con a yega na e panelistanan? Tur e "joke" aki ta solamente y unicamente pa logra pa sigui cu e corrupcion cu tabata tin tempo di Otmar Oduber y cu lo sigui. Despues lo bay Parlamento pa vota na favor mescos den e deal di LNG cu niun hende a haya pa lesa como "pay back time"!!

Esta ki TRANSPARENCIA! Tur e payasada aki den un bachi hopi "CATCHY"! Ta asina nos ta keda guli manda abow? ARUBA, UNDA NOS TA BAI?

Celebracion di Dia di Himno y Bandera 2022 na Centro di Barrio Savaneta tawata uno exitoso!



Despues di alrededor di dos aña sin por organisa un evento grandi, Centro di Barrio Savaneta a sa di keda cu e ambiente y cu e programa varia pa atrae centenares di bishitante durante ful e dia.

E celebracion importante di nos isla no por pasa sin mas, e aña aki a parti e programa den tres parti. Un koffiemorgen, programa di entretenimento y weganan popular. E actividad tawata ful dia, di 9'or di mainta te cu 8'or di anochi.

Den un ambiente dushi un

y tur cu tawata presente na Centro di Barrio Savaneta por a disfruta di un dia yena cu diferente actividad. Grupo Samen Oud Savaneta a organisa un tremendo Koffiemorgen y asina a cuminsa e mainta den un ambiente ameno.

Despues di nos Himno a continua cu Caha di Orgel, Mi Amor, cu a deleita un y tur cu nan dushi musica. Durante dia nos a haya bishita di Candy Dancers y Dazzling Dancers. Tambe nos a haya un bunita presentacion di nos muchanan di barrio, the Aruban Girls, cu nan mes a prepara un baile pa e dia aki. Tambe nos a ricibi Quilany Jansen, ganadora di un Canto pa Nos Himno y Bandera, Lizianne Webb y grupo di 4 cantante cu a canta un bunita potpourri. Un aplauso sigur pa nos muchanan! Tradicion Musical a toca parti atardi y Tipico Pegasaya a caba e anochi cu un tremendo presentacion.


No por a keda sin falta e weganan popular pa grandi y chikito cu a sa di atrae e publico entre otro: stoelendans, baile cu blaas, bula den saco, core cu tire y ranca cabuya.

'Like' nos Facebook page: Centro di Barrio Savaneta y click 'Follow' p' asina sigui nos y keda na altura di tur nos actividadnan.



Parlamentario Alvin Molina (MEP):

Ta felicita St. Paulus school cu un impresionante celebracion di Himno & Bandera



En conexion cu nos dia Nacional 18 di maart, Parlamentario Molina a bishita diahuebs mainta St. Paulus School na San Nicolas unda e alumnonan y docentenan a organisa un tremendo evento cultural. Presente tambe n'e mainta special aki tabata nos Prome Minister, sra. Evelyn Wever – Croes y Minister di Enseñansa y Deporte, sr. Endy Croes. Na

yegada nan a wordo ricibi pa cabesante di scol, sr. Randy Arends mientras e alumnonan tabata wardando e bishita cu hopi alegria y sumamente entusiasmo. E ceremonia a inicia cu hisamento di e bandera di Aruba y canto di Himno, Aruba, Dushi Tera.

Alvin Molina a sigui bisa; mi tabatin e honor pa hiba algun palabra ne muchanan unda mi a

enfatisa riba e color cora di nos bandera cu banda di ta significa e sanger cora di e indjannan cu a bringa pa nos Libertad den Rooi Frances. E ta e color di stimacion, e stimacion cu nos tin pa nos isla. Pero con bo ta expresa e stimacion? Door di stima nos mayornan, docentenan, door di stima otro, nos ta stima nos pais. Nos mester expresa e stimacion ne manera con

nos ta trata otro. Despues a bishita e klasnan pa wak e exposicion di e diferente temanan cu nan a prepara; Aruba di antes te cu awo. Cada klas durante seis siman a haya les di e historia di Aruba, cada klas riba nan nivel. Y diahuebs ultimo a culmina cu un bunita exposicion di tur loke nan a siña y e materialnan cu nan a traha. Tambe por a savoria e dushi cuminda

crioyo y pasaboca cu e alumnonan a presenta.

Finalizando Alvin Molina a keda hopi impresiona di wak loke e muchanan a presenta. Mi ta felicita e alumnonan y docentenan di St. Paulus School cu e bunita exposicion y evento cultural. Alabes gradici e mayornan cu ta sostene nan yiunan, yuda nan cu les y engrandece cultura di Aruba.

Desconocidonan a destrui dak y windshield di pick-up na Socotorowijk!



Diahuebs mainta a drenta informe di un caso di destruccion na Socotorowijk. Mesora a dirigi un patruya na e sitio. Na yegada di e

patruya a bin compronde cu desconocidonan lo a kibra windshield di pick-up cora para dilanti un cas. E abusadornan lo a dal e dak

y windshield cu algo parecido na un bate. Afortunadamente ningun hende a resulta herida.

Prome Minister Evelyn Wever-Croes: Dia Mundial di Down Syndrome GOBIERNO TA MUSTRA SOSTEN NA E CONSCIENTISACION MUNDIAL Y TA BISTI MEYA LOCO



Dia 21 di maart, mundo ta

para keto na e Dia Mundial di Down Syndrome. Un dia importante pa para keto tambe na e tema di inclusion. Na Aruba nos tin un comunidad grandi cu tin Sindrome di Down. Hopi biaha door di diagnostico, ta wordo poni un label riba nan of nan ta wordo huzga. Prome Minister Evelyn Wever-Croes ta haci un peticion na nos comunidad, pa cada un di nos duna tur hende mesun oportunidad.

“Ta nos hendenan special cu tin habilidad y un curason special. Ban duna nan e trato special cu nan merece y un luga special den nos curason. Mi ta encurasha cada ciudadano pa wak rond di nos, nos famia,

amistadnan, y scolnan, y inclui tur hende y percura pa niun hende keda atras. Pasobra ora nos yuda otro nan bay padilanti, ta henter e comunidad ta bay padilanti”, Prome Minister a expresa.

Gobierno di Aruba ta enfoca riba inclusion den tur forma. Inclusion den enseñansa den cuido, riba oportunidadnan riba mercado laboral, riba tereno social. Gobierno ta enfoca pa duna nos ciudadanonan cu Sindrome di Down e trato special cu di berdad nan merece.

E dia di Sindrome di Down ta wordo promove mundialmente cu bistimento di meyanan di

diferente color, meyanan loco. Pa motibo aki tambe, riba e dia importante aki di conscientisacion, Prome Minister hunto cu coleganan Minister Ursell Arends, Minister Endy Croes y Minister Dangui Oduber tambe a bisti meyanan di diferente color, meya loco, pa mustra sosten na e conscientisacion mundial.

“Asina Gobierno di Aruba ta mustra cu papia di Down Syndrome mester bira algo regular y normal den nos comunidad pa asina nos por brasa esnan cu Down Syndrome y brinda nan mas oportunidad den bida aki na Aruba tambe”, Prome Minister Evelyn Wever-Croes a enfatisa.

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu inmenso dolor na nos curason, pero conforme cu Dios su boluntad, nos ta anuncia fayecimento di nos Tata stima, kerido Padushi, bisa y tatara welo, ruman mayor, omo, amigo y un bon bisña.

Sr. Gabriel Alejandro "Ale" Werleman

+27 februari 1936 - †16 maart 2022

Gran Tocado di Cah'i Orgel y Ex-Chauffeur di Autobus B50 y B29
Ex President di S.V. Sport Boys Club y Ex President di Aruba Autobus Unie y
ex-empleado di LAGO

Na nomber di su Esposanan stima +Hilda Maduro, +Evelia Socarras-Bendeck y
+Lourdes Croes

Na nomber di su Mayornan: +Juancito & +Alcida Werleman

Su yiunan stima:

Bernadeta (Deta) Croes-Werleman y Casimiro (Ilo) Croes
Gabriel (Vale) Werleman y Karina Werleman-Kelly
Sylvio (Theo) Werleman y Jenny Werleman-Medonné
Rodney (Pachi) Werleman y Sharine Werleman-Werleman

Manera un yiu: Roberto (Roque) Koolman y Rachel Koolman-Kelly.

Nieto(a)nan:

Milene Werleman y Gerald (Jean-Pierre) Werleman; Symond (Monty) Croes y Jerina Quant; Iluniza Hernandez y Jean-Paul Hernandez;
Hildred Geerman y Bryan Geerman; Bernize Croes y Shawn Laurence; Cristelle Werleman y Kit Wong; Kaitlyn & Gavin Werleman; Hild-
ward Werleman & Johanna Tam Sin; Jendrick Werleman; Sherileen Werleman y Edgard Croes; Roshleen Werleman y Xëandrick Tromp
& +Miguel Werleman.

Bisa Nieto(a)nan stima:

Jaimyson Bernabela y Alexandra Boekhoudt; Jayvaugh Lovell; Jahmyll & Jahrell Faneyte;
□Dedrick Celaire; Jareth & Jaxsen Werleman; Zhylaine Maasdamme, Amy & Kileyna Wong.

Tatara Nieto(a)nan:

Jahlixia y Jahlixion Bernabela.

Su ruman nan:

+Chanita Gomes
+Veronico (Joonco) Werleman y Chichi Werleman-Geerman
Urbano (Daanchi) Werleman y Francisca (Shonkita) Werleman-Flanegin
Dorilia (Dora) Werleman y Rafael Koolman
Maria Young & Toyo Young
Maxima Werleman y Hubert Maduro.

Su iha nan:

Ludwina Werleman; Dencha Werleman; Maira Felida; Benita Maduro; Greta Illes-Paesch; Lindo Werleman.

Su amigonan di Cah'i Orgel y tocadornan di Wiri; Su friendsnan di Young Fellow.

Amistad nan di cas: Chido Marin; Julio (Juchi) Croeze; Junior Croeze; Junito Croeze; Edwin Arendsz; Lilian Besselink (Shi-Preke)

Tur su Swa nan y Cuña nan, subrino y subrina nan;

Primo y Prima nan, comer y comper nan;

Conocir y amistadnan y bon bisñanan.

Demas Famia: Werleman, Maduro, Gomes, Croes, Kelly, Medonné, Quant, Hernandez, Thiel, Geerman, Maasdamme, Wong, Martes, De
Mey, Bernabela, Boekhoudt, Lovell, Koolman, Ras, Rasmijn, Vrolijk, Henriquez, Croeze, Marin.

Acto di condolencia: Dialuna 21 maart 2022 Orario: 6pm - 9pm Adres: Kas Ariba 13-B
(bin casual bisti y cu bo wiri pa celebra Ale su bida)

Acto di entierro: Diamars 22 maart 2022 Orario: 9am - 11am

Lugar: Misa Inmaculada Concepcion

En bez di krans of flor, lo tin un box disponible di Wilhelmina Kankerfonds y/of Fundacion Pro Cultura.



Ta deseo di e defunto pa bin bisti na colornan alegre, paso asina su bida tawata.
Famia ta pidi disculpa si den nos tristeza nos por a lubida un of otro familiar of conocir.





Cu meta pa sigui aporta na deporte Aruba Bank a patrocina uniform di 'Train Hard Race Easy' running team

Oranjestad, 15 di maart 2022 – Durante fin di siman a tuma lugar e bautismo di e uniform nobo di e ekipo di coremento 'Train Hard Race Easy' patronisa door di Aruba Bank.

Train Hard Race Easy ta consisti di 28 atleta di cual varios ta den top ranking den nan categoria den e deporte di coremento na Aruba.

Varios di nan atletanan a viaha pa competi durante e famoso Miami Marathon cu a tuma lugar den februari. E ekipo a haci un tremendo trabao den e Tropical 5k race unda 2124 coredo a participa y atletanan di Train Hard Race Easy a logra bolbe Aruba cu 6 premio.

Aruba Bank como banco cu ta sostene deporte ta mira e potencial y ta sostene e dedicacion di e atletanan na deporte y nan bienestar fisico. Sra. Tamara Waldron, Marketing y PR Manager di Aruba Bank tawata tey presente pa e bautismo y a desea e team completo hopi exito pa e resto di 2022 den nomber di Aruba Bank.



Parlamentario Alvin Molina:

Cancha di basketball den Sint Maartenstraat (Village) mester transforma den orguyo di nos muchanan



Ningun reto cu un país ta pasando aden, ta nifica cu mester lubida riba aspec-tonan importante cu ta crea un generación sano: deporte. Awe nos ta para aki na e cancha di basketball den Village. Un ehempel bibo di e forma con no mester lubida facilidadnan deportivo.

Fraccion di MEP den Parlamento tin atencion pa necesidad di e ciudadanonan, banda di e aspec-tonan financiero y social, nan ta haya cu deporte tambe merece su atencion. Ta por medio di deporte ta crea ciudadanonan disciplina y cu respet.

Un di e areanan cu e ta mira cu mester haya su atencion ta e cancha di basketball den Sint Maartenstraat (Village). E ta un bunita cancha cu lamentablemente a keda bay atrás. Por mira cu e basketnan ta tur putri, hekwerk practicamente no-existente, luz dañá, e veld mes cu ta tur blikia, gazebo kibra, e bankinan tur na werki.



Kico un situacion asina ta ilustra? E ta crea impresion cerca e hobennan cu nan no bal e atencion of cu nan no merece e atencion. Hobennan cu kier practica deporte tur ta confronta cu e imagen aki di un cancha den estado deplorabel. Mi no por keda sin menciona un teoría conocí cu ta bisa cu mas bo laga un comunidad bay atras, mas e lo sigui bay atras.

P'esey mi ta lamenta masha hopi mes cu a laga e cancha aki cu ta masha importante pa e comunidad di Village, bay atrás di e forma aki. E muchanan di e vecindario merece miho y merece di por sinti nan mes orguyoso di nan cancha di basketball.

Un preocupacion fundamental cu nos tin na Aruba ta con nos por yuda nos hobennan pa desaroya na un manera positivo. Pero mester mira esaki mas bien di otro forma. Pensa con nos por evita pa muchanan bay den mal caminda. Tin yen cos cu ta importante ora ta toca e topico aki, enseñansa/situacion familiar/social/hudicial. Tur esakinan eventualmente tin di haber cu nos siguridat na Aruba. Un caminda e disciplina ta cuminsa y esaki ta den deporte.

Antes tabatin tur fin di siman competencianan deportivo na diferente punto di San Nicolas. E ta percu-



ra pa hobennan di pariba topa pa haci algo sano, pero cu diferente di e facilidadnan den decadencia, esaki no ta posibel manera antes.

Hobennan di área di San Nicolas semper a sobresali den deporte, principalmente den areanan di baseball, basketball y volleyball. Ta importante pa sigui mantene interés di hobennan di e barionan di San Nicolas den deporte grandi. Ta logra esaki por medio di upgrading di facilidadnan deportivo of crea otro nan nobo. Practica di deporte den barionan por medio di canchanan manera esun di basketball den Village ta encurasha un miho conexión (relacion) entre famia y comunidad. Cada un lo percura pa tira bista pa e otro y evita cu ta cay den mal caminda.

Sinembargo no mester lubida cu Rosaria 'saya' Brown no ta un persona desconoci den e bario y riba cancha di basketball, pa varios aña caba Rosaria ta haci diferente actividad prinsipalmente pa e muchanan di bario aunke cu e situacion di e cancha

no ta faborabel. Pero su amor pa mira e muchanan activo y den bon caminda e ta sigui haci diferente actividad.

Mi a haya un oportunidad pa papia cu nos minister di deporte Endy Croes tocante mi preocupacion. Di mes realidad ta cu e espacio riba presupuesto 2022 lo ta hopi limita. Mas limita ainda di loke nos ta custumbra. Pero no mester give-up y sinta spera te ora cu cos ta bon atrobe. Por busca formanan creativo pa toch logra haci por lo menos algo pa e hobennan. Por ehempel, por busca maneranan pa colabora cu otro.

E cancha di basketball den Village por wordo atendi di diferente forma, no especificamente di deporte. Asina e por wordo mira como un punto di encuentro pa comunidad of e por cay bou di infraestructura di bario.

E prome reacción tabata positivo pasobra Minister a informa mi cu e lo sondea con e por colabora cu su coleganan minister pa por logra drecha e veld.

Gobierno tin su parti pa drecha/mantene e infraestructura. Pero esnan cu ta us'e tambe tin nan responsabilidad pa cuida esaki.

HOTLINE

744-0444

CAPT'E Y MAND'E



Caida di cabey: Descubri su causa y e miho solucionnan

E caida di cabey ta un cuestion cu ta preocupa tanto hende homber como e hende muhe. E trastorno aki ta engloba e problemanan cu ta bay for di e perdida leve di cabey te cu calvicie.

Den e articulo aki nos lo comparti e causanan mas frecuente di e perdida di cabey. Tambe nos lo detaya e miho solucionnan pa combati'e. Sigui lesa!

Riba e caida di cabey

Si nada no a funciona contra e caida di cabey, y ki ora e ta leve, nos mester acepta cu nos tin un problema.

Preocupa den exceso solamente ta bay empeor'e. No obstante, nos por haci cu e condicion aki por mehora e condicion aki, si nos conoce su causanan y algun solucion.

Nos mester tene na cuenta cu nos mes por ta empeorando e trastorno aki. E trastornonan nervioso manera stress, of ansiedad no ta haci mas cu empeora e situacion. Ademá, un alimentacion malo of deficiente por hiba nos na perde mas di 100 cabey diario. Por ultimo nos mester comenta cu e termino di shampoo anticaida, no ta keda di ta un reclamo comercial. E productonan aki no tin ningun efecto demostra riba e perdida di cabey. E maranan ta hunga cu sentimento di hende cu ta sufri di e problema aki.

Causanan di e caida di cabey

E caida di cabey por ta debee na diferente rason. Nos ta destaca algun di nan:

- Stress fisico.
- Un enfermedad prolonga.
- Un cirugia importante
- Un infeccion serio.
- Un cambio hormonal.
- Efectonan secundario di medicamento y di kimoterapia.
- Un enfermedad medico manera lupus, sifilis, un enfermedad di tiroide etc.
- Un problema nutricional serio.
- Alopecia areata.
- Tambe ta existi calvicie pa patronchinan hereditario of alopecia androgenico.
- Incluso algun ersona tin



un trastorno psiquico poco comun (tricotilomania) den cual ta rncá cabey of ta trocenan causando bald spots.

Diagnostic

Ta diagnostica e causa di e caida di cabey den e base na su historia clinico. Tambe mester tene na cuenta e medicamentonan cu ta tuma, e estado di nutricion, e habitonan di pelukeria y un examen fisico.

Si bo dokter ta sospecha di un infeccion door di fungus den e cuero di cabes, e mester tuma un muestra di cabey pa un prueba di laboratorio.

En cambio, si bo dokter sospecha cu por ta un enfermedad of un problema di tiroide, deficiencia di hero of desekilibrio hormonal, sigur bo lo mester di analisis di sanger.

Solucionnan pa caida di cabey

Den caso di alopecia androgenico, miho bisa calvicie comun e unico tratamentonan cu eficacia demostra pa frena e perdida ta:

- Minoxidil 5% (locion).
- Finasterida (tratamento oral), aunke esaki ta wordo desaconseja pa hende muhe.

Otro opcion pa recupera cabey ta e transplante capilar. E tecnica aki ta consisti di extrae cabey for di e parti patras di e cabes y inyecta den e zonanan unda ta schaars.

Pero no tur ta candidato, ya cu tin mester di suficiente cabey den e zona proveedor pa cubri e area schaars.

uado e cabey for di e solo vooral den epocanan di mas calor di aña unda cu mas e cuero di cabes ta wordo castiga.

Suplemento

- Biotina: E vitamina aki nos ta hay'e den gran cantidad den yeast di cerbes, file di higra y webo. No obstante e mester ta cushina, ya cu den su forma curu, nos curpa no ta absorbe e biotina.
- Hero: nos a hay'e den carni, pisca y webo y den alimentonan di origen no animal, manera bonchi y spinazie. No obstante, hero den berdura tin un dificil asimilacion. Pa absorbe e hero



Ademá, e cabey ta tarda pa sali entre ocho luna y un aña.

Otro conseho

• Laba cabey cu frecuencia. No obstante, e ta hopi importante pa uza e shampoo adeca pa bo tipo di cabey.

• Den caso di cabey vet, tambe ta recomenda labameto frecuente. Asina nos ta logra reduci e vet di e superficie di e cuero di cabes.

• Den e caso di caspa y vet, ora cu e cabey wordo laba cu frecuencia, ta consehabel pa alterna un shampoo di tratamiento cu otro shampoo di uzo frecuente.

Cu e dos shampooonan tin cu haci dos hawa. E di dos tin cu laga e scuma keda dos pa tres minuut, sin friccion.

E paña mester tin djente hanchu y separa. Mester evita skeironan di metal.

• Proteha di manera adec-



aki, mester tuma hopi vitamina C, cu e alimentonan of den suplemento.

• Silicium organico likido: E suplemente aki por yuda nos fortalece e cabey, cuero y huña y preveni alopecia.

Por ultimo, nos ta destaca cu lo normal ta cu ta cay entre 40 y 100 cabey pa dia. Si bo tin un dieta ekilibra y si bo cabey ta ay riba dje, den e cantidadnan aki, haci un analisis di sanger y bishita bo dermatologo.

FOR SALE

Commemorative coins for collection
75 anniversary Aruba Bank Silver
75 anniversary CMB Bank Silver
50 anniversary
Lago 1924-1974 copper Best offers

Cel 5972155

OPORTUNIDAD PA TRABAO

Tin oportunidad pa trabao pa un
kokki/cocinera y helper di cumind-
anan crioyo pa un Take Away.



Pa informacion por
wasap 746-3571

E HENDE MUHE

E hende muhe cu character
ta fuerte y balente.
E hende muhe independiente
mayoria ta inteligente.
E hende muhe orguyoso
cu por ta rebelde, pero generoso.
E hende muhe cu curason di oro
cu amor complaciente y profundo.
E hende muhe amoroso
cu ta un mama perseverante y exitoso.
E hende muhe un ser humano special,
un persona pa semper den nos mente y curason.
Feliz dia Internacional di hende muhe 2022
Lady Ari

FOR SALE - FOR SALE - FOR SALE



Ford Shuttle Bus 2006 ~ E450 diesel
Prijs reduci: Afl. 15.000
Perfecto pa snack truck

739-0101

**Pa abona na
SOLO DI PUEBLO**

Yama
585 9500
of manda nos un
e-mail na
solodipueblo@gmail.com

Entrega tur dia te den
bo port'i cas



Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	5 8 8 -
6699	
Royal Funeral Home	5 8 6 -
4444	
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	5 8 8 -
9999	

PRONOSTICO DI TEMPO

VALIDO TE DIAMARS 22 DI MAART 2022, 18:00 ORA.

TEMPO:

AWE ANOCHI: PARCIALMENTE NUBLA Y GENERALMENTE SECO
DEN MARDUGA I MAYAN: PARTLY NUBLA CU UN AWACERO PASAJERO

TEMPERATURA MAXIMO 31 GRADO CELSIUS
TEMPERATURA MINIMO 25 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 33 PA 36 GRADO CELSIUS
UV INDEX: 12

BAHADA DI SOLO : 6:51 PM
SUBIDA DI SOLO : 6:42 AM

BIENTO:

MODERA TE BASTA FUERTE FOR DI OOST;
FORSA 4 TE 5 (20 TE 39 KM/ORA, 11 TE 21 NUDO).
DEN DIA FUERTE TE DURO DEN RAFAGA;
FORSA 6 TE 7 (40 TE 61 KM/ORA, 22 TE 33 NUDO).

SITUACION GENERAL DI TEMPO PA PROXIMO 24 ORA:
EXTENCION DI E AREA DI PRECION HALTO RIBA ATLANTICO
LO SOSTENE UN BIENTO MODERA TE BASTA FUERTE Y FUERTE
TE DURO DEN RAFAGA. MAS ALEU POR BISA CU APARTE DI
UN AWACERO PASAJERO DEN ORANAN DI MARDUGA Y MAINTA
TREMPLAN NO TA SPERA AWACERO DI IMPORTANCIA.

CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: LEVE
NA PARTINAN ZUID: TRANKIL TE MODERA
NA PARTINAN OOST TE NOORDWEST DI COSTA:
MODERA TE POCO BRUTO.

OLANAN LO TA ENTRE 5 PA 7 PIA

AVISO/ ALERTA:

UN AVISO PA BOTO CHIKITO PA PARTINAN OOST TE
NOORDWEST DI COSTA Y LAMA HABRI TA NA VIGOR
TE PROXIMO AVISO.

FENOMENONAN SPECIAL
NINGUN

POTENCIAL DI AWACERO PA PROXIMO 24 ORA:
1 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):


AIRPORT : MAX 32 / MIN 26 / 0.0 MM
WESTPUNT: MAX 32 / MIN 26 / 0.0 MM
STA ROSA: MAX 32 / MIN 26 / 0.0 MM

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO PASAJERO.
BIENTO LO TA FOR DI OOST Y MODERA TE BASTA
FUERTE, FUERTE TE DURO DEN RAFAGA; TEMPERATURA
(GRADO CELSIUS) MAX / MIN LO TA: 32 / 26

Clasificados



SOLODIPUEBLO@GMAIL.COM
CEL.585 9500



SERVICIO Y COMPRA

SOLO De Pueblo OBITUARIO

Publica serka nos anuncio di fayecimento di bo ser keri.
Nos tin 2 pakete pa ofrese

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina
na 585-9500 of na 741-4554 puntra pa
Janeth Henriquez

CHAPI, VERF, CORIENTE

Ta hasi trabao di corriente verf
welder plumbing metsla carpinte
drecha dak hasi cura limpi
y kap mata
yama: 5608568

TA HUUR

den CENTRO COMERCIAL
NOORD un localidad
di 120M
Bon situa, pa mas
info yama: 592-3327



SCEPTIC TANK (7 CUBE)

PRIJS SPECIAL
AWG 75,-



YAMANOS NA:
560 3500 OF 563 4201

Hyundai Tucson 2009 Top 1 condition



Call: 5942389

Clasificados



SOLODIPUEBLO@GMAIL.COM
CEL. 585 9500



SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Ainda mi ta tende mi mes ta recita pa e alumnonan di Maria College, algo cu a sosode impulsivamente, ora Sra. Des Croes di Prins Bernhard Cultuurfonds Caribisch Gebied y Lady Ruth a bay entrega algun buki di Poema na e scol menciona. A dura un crenchi pa motibo di e pandemia, pero siman pasa Diahuebs dia 17 di Maart, nos a logra hiba y entrega e bukinan na e.o. Colegio San Antonio, Filomena College Mavo, IPA y Maria College Mavo. Net un crenchi despues cu e cantidad di esnan cu e virus covid-19 a baha, nos tawata na Biblioteca Nacional Caribiana Arubiana, na unda nos por a entrega buki na La Salle College Mavo, Mon Plaisir College Mavo y tambe na dos alumno di EPI. Awor nos ta bek na cas, cu telefoon 583 3343 of 593 3343 pa e scolnan cu ainda no a

ricibi nan bukinan di Poema di Lady Ruth : "Alegria di Ruthy Poema 2" cu tin como contenido 15 Poema na nos dushi idioma Papiamento, 7 na Ingles, 5 na Hulandes y 2 poema na Spanjo. Tur cu temanan di paz, amor, naturaleza, prohimo etc., temanan bunita cu ta inspira, cu por papia di nan den klas. Manera ta bisa "Feel free to call Lady Ruth" pa nos por palabra con e scolnan cu falta, con boso por hanja e bukinan. Tawata un mainta hopi agradabel, y tur e scolnan cu nos a bishita Diahuebs dia 17 di Maart, a ricibi nos cu brasa habri y un curason contento. Lady Ruth ta super contento cu e ta cumpliendo cu e peticion di Prins Bernhard Cultuurfonds Caribisch Gebied, kendenan a yuda financia su proyecto di e buki aki, hunto cu UNOCA. Ora nos a yega Maria College Mavo, net nan a cuminsa

canta e hymno di Aruba, nan tambe tawata den pleno celebracion di nos Dia Nacional 18 di Maart, cu ta un dia liber, pues, tur scol y of companianan tawata tin algo special riba e Diahuebs prome, cu nan alumnonan y of nan empleadonan. Nos a entrega nos buki despues di e cantamento di e hymno y despues a sinti na nos curason pa recita un poema di Aruba, y nos a hanja e oportunidad ey tambe, pues, Lady Ruth a recita e poema "Topa mi Aruba" cu ta saca for di su Prome buki di Poemanan "Poemanan di Ruthy". Despues a pidi muchanan pa tene man di esnan para banda di nan, y a recita tambe e poema di mas cortico di Lady Ruth : " Aruba, isla den laman- Rumannan tur, ban tene man - Uni den pas y harmonia - Biba Aruba yen di alegria ! - aruba, Aruba, ARUBA !!! Mi Pais stima bo ta ! Dushi pa a wak e caranan contento di e alumnonan, tur den nan t shirt cora uniform di scol.

Nos kier a gradici Meneer Gershwin Lee di Colegio San Antonio, Juffrouwnan Oduber y Engelbrecht di Filomena College Mavo, drs. Marisol Croes di IPA, Marlene de Cuba di e Bibliotheek di IPA, y Juffrouw Angelina Rosenstand di Maria College Mavo, pa a ricibi Sra. Des Croes y Lady Ruth na un manera espontaneo di curason, pa nos por a entrega boso e bukinan.

Nos ta termina nos relato di e siman aki, felicitando e ganadornan di Poeta Patria : Marilies Becker, Jhon Freddy Montoya y Luis Rodulfo cu nan bunita y tremendo poema ! Pabien na e comishon organisador y comishon corrector di Papiamento. Aruba ta den curason di tur !

Jammer cu e hoben a hasi un crenchi fout den cantamento di nos hymno, pero ela purba. Mester a train e hymno un tiki mas. Tin hoben cu no sa e hymno mes . Shonnan tur, danki pa lesa nos relato cu atencion y curason atrobe. Pasa un dushi dia yen di alegria

! Y...cu hobi sabiduria den v duna. Love you too ! Un



nos alegria ! Sigui cuida, bearhug di Ruthy. sigui stima, sigui pardona

HOTLINE

SOLO

Di Pueblo

744-0444

CAPT'E
Y MAND'E

Drs Mervin Wyatt-Ras: Situacion spantoso di criminalidad relata na aspectonan social y famia



Ayera den reunion publico di Parlamento a trata e peticion di colega Mike de Meza, Dowers y Wyatt-Ras hunto cu otro coleganan di fraccion di AVP encuanto e situacion alarmante di criminalidad y e situacion social deplorabel bou di hobennan. E reunion a ser pidi for di november 2021 y a manda 2 carta di rapel na februari y maart, prome cu a yama e reunion.

Por bisa cu e situacion di criminalidad bou hobennan ta preocupante, pa motibo cu tin un cantidad di hobennan cu ta wordo haya cu arma y tin diferente asesinatonan cu a tuma lugar den curso di ultimo anjanan. A bira casi "normal" cu hobennan ta mata otro of mata otro hende. Wyatt-Ras a menciona e declaracion na juli 2021 di vocero di cuerpo policial, sr. Lito Lacle, den caul e ta trece padilanti cu tin un cantidad preocupante di 6 caso di asesinato cu tiroteo. Un di nan ta na American Bar y di e chauffeur cu a ser alacansa pa dos tiro den area di Tanki Leendert. El a trece padilanti cu na 2020 tabatin confisca un cantidad di 32 arma y pa anja 2021 te cu juli tabatin 10 arma di candela confisca. Sinembargo e minister encarga cu Justicia y Asuntonan Social den su contes-tanan durante reunion a bisa cu e situacion ta stabil. E no ta mira cu tin mucho cambio den e ultimo anjanan. E ta bisa mas bien cu e can-

tidade di armanan of asesinatonan a baha. Segun Wyatt-Ras esey no ta cuadra cu locual nos a tuma nota di dje den prensa. Wyatt-Ras a ilustra cu diferente caso cu a sali publica: Dos acusadonan Zuriel Amiel Celaire y Izak Principaal a ser acusa di homicidio riba Sayuri Petronia cu a shock comunidad. Dia 4 di juni 2021 a los tiro cu arma di candela riba Sayuri cu consecuencia cu victima a fayece. Dia 11 februari 2021 den Corte a declara Dylan Delaney culpable di asesinato di Marc Mejia den American Bar. El a haya 12 anja di prison. Dia 26 di november 2021 rumannan Wouters a ser condena na 18 anja pa mata Sammy Ignacio. Dia 12 di april 2021 Pascal Brown a yega na cas di Richi Genau na Brazil, a hay'e sinta den su veranda y a tir'e den cabes. Dia 20 di juli 2021 e hoben L.N. di 16 anja a ser acusa di asesinato di su welo y hues a dune 36 luna di detention hubenil di cual 18 luna a condicional cu 2 anja di prueba. Dia 25 di juni 2021, Corte a trata e caso di e mucha di 16 anja cu a ser acusa di hinca Rudolf Ras y asesin'e. A conden'e na 12 luna di prison, di cual 4 luna ta condicional, cu 2 anja di prueba y bou guia di Reclassering.

Pa loke ta trata abuso sexual di menor Wyatt-Ras a menciona: caso di dia 28 di januari 2022 di e conocido locutor Elvis Weert cu acusacion di rape di mucha muhe yiu di su pareha. El a obliga e mucha muher di comete abortus 2 bi-aha. Tambe dia 6 di oktober 2021 e caso di abuso sexual di Apostel cu'n menor den periodo di 13 di maart 2018 te prome di november 2018. Dia 16 di juli 2021 tabatin detencion di Franklin Priest di 36 anja, empleado publico, trahando na buro Leerplicht, entrenado di varios equipo di voetbal, pa abuso sexual di dos mucha muhe menor di edad. Na februari 2020 tin alabes e caso di e chauffeur di autobus cu a abusa di yiu di colega y e colega aki a comete suicidio despues cu e no a haya oido niun caminda.

Por constata cu prensa a bira hopi agresivo pa pone e diferente casonan aki na conocimiento di pueblo. Esaki ta positivo. Wyatt-Ras ta trece dilanti cu tin un correlation entre criminalidad y situacion social.

Segun jaarverslag di Stichting Re-classering en Kinderbescherming 80% di hobennan cu ta cai bou nan guia tin limitacion mental leve. Di e hobennan cu ta haya nan mes confronta cu justicia y cu ta ser deteni 65% ta procedente di famia di un solo mayor. Di e hobennan aki 50% ta dropouts. Pues ta necesario pa empodera mayornan soltero(a) cu ta na cabes di nan famia y tambe preveni cu hobennan cu ta cai for di e trayecto escolar (dropout). Esaki AVP a haci na 2011 cu ley di Leerplicht y trayecto di formacion social.

Gobierno di Evelyn Wever-Croes cu a sinta na anja 2017 a crea un crisis social y a bisa cu nada no a wordo haci anterior pa sector social y a bin cu un crisisplan pa baha wachtljsten den sector social y drecha e.o. registracion, cooperacion, referencia di casonan y leynan. Nada di esakinan no a logra. E hecho cu a traha anteriormente ta sali na cla for di trabou di mesun UNICEF cu ta sostene e gobierno aki tambe.

Mike Eman su Gabinete tambe a traha cu UNICEF pa empodera nos hubentud y a inverti den prevencion. Awor den e crisisplan aki e gobierno aki a traha cu mesun UNICEF. UNICEF a fiha atrobe diferente criteria y metanan pa logra den e temporada cu nan ta traha. Mester tin bon registracion pa sa cuanto caso tin, ki ta e problema y na cua instancia e cliente ta. Esaki no a ser logra dor di e gobierno aki cu un crisisplan di 36 miyon florin.

Un otro criteria ta cu lo mester tin bon cooperacion entre diferente instancianan y ora un mayor yega na un instancia pa busca yudansa pa su yiu e mester ser ser atendi of referi na un otro instancia cu tratamiento di inmediato of a corto plaso. Esaki ainda no ta bon regla. E valor di buro SOSTENEMI cu e mester ta un meldpunt pa acudi ora tin abuso apesar di ta ancla desde 2016 den Codigo Civil tampoco no a funciona manera debe ser. Esaki por saca for di mesun rapport di SOSTENEMI den cual ta menciona cu mester tabatin mas PR pa clientenan por sa unda pa acudi.

Ademas crisisplan no a logra baha e wachtljsten aunke cu e minister ta haci comosifuera no tin wachtljst mas. Tampoco no a logra e meta di prevencion cu ta atende cu bullying y cu postitive reinforcement. Mientrastanto bo por bisa cu 36 miyon florin a ser inverti den un crisis social crea cu no ta mira su efectonan manera cu mester ta. Diferente instancia ta keda sin haya sosten pa executa e proyectonan cu nan tabatin planea. Ta importante cu na momento cu pone placa disponibel e instancianan mester por ricibi locual cu nan a pidi p'e.

Aki nos a cuestiona gobierno den esaki. Tambe gobierno tin pensa di bin cu un Family Justice Center pa fortifica cooperacion. Segun Wyatt-Ras ni un edificio, ni mas trahado no por garantisa cooperacion. Voluntad, conocimiento di mandato y rollen di cada instancia y un bon coordinacion por garantisa cooperacion. En bista cu cantidad di casonan di criminalidad ta sigui subi ta muestra cu e crisisplan no a logra su meta.

Durante ultimo lunanan mayornan tin'e mas dificil, no por pone pan ariba mesa di nan famia, tambe tin diferente problemanan social cu a bira mas bisto y mas urgente y tin cantidad di casonan di depresion y e instancianan cu mester duna e ayudo apesar di e suma inverti, no a logra baha e wachtljst pa haya yudansa. Paso aunke minister ta indica cu e wachtljst a wordo elimina, esey no ta e realidad. Pa un mucha chikito por wak un psycholoog of psychiater di mucha ta dura un anja. Kiermeen esaki no ta wega.

Wyatt-Ras ta lamenta cu diferente mocionnan cu a ser presenta pa duna sosten social na nos pueblo ningun no a ser sosteni dor di esnan cu ta sostene gobierno. Un di nan ta pa elimina tur medida cu ta afecta nos famianan y mayornan. Un otro mocion ta pa nos proteha nos muchanan pa medio di e diferente facilidatnan cu ta duna aco-hida tempran na nos muchanan, manera crechenan y tambe Trai Merdianan caminda nada no mag wordo kita for di nan. Na e momentonan aki na Trai Merdianan no ta wordo duna huiswerkbegeleiding y netamente mayornan cu no tin e capacidad pa yuda nan yiunan y esunnan cu ta traha oranan largo tabata depende di e yudansa cu huiswerk di nan yiunan. Tambe e mocion cu no a ser aproba ta pa bin cu cursonan y programanan pa hobennan cu ta den KIA pa fortifica nan y pa na momento nan sali nan por reintegra den nos comunidad. Un otro mocion cu no a ser sosteni ta pa esnan cu tin arma pa por entrega esakinan sin consecuencia pa por baha e cantidad di arma riba caya. Por a nota un postura arrogante di oposicion cu yen di gritadera pa purba silenciar fraccion di AVP y oposicion. Segun Wyatt-Ras nos hubentud mester ta prioridad di nos pais, nos famianan vulnerable ta di importancia pa ser empodera pa preveni criminalidad den comunidad. E suma di 36 miyon no tabatin e efecto indica sino awe no tin asina tanto caso di criminalidad y di asesinato dor di hobennan. Ora trata presupuesto lo sigui cuestiona esaki mas aleu.



Lotto MERDIA
MAART 20

CATACHI	LOTTO 5	
Sorteo # 3507	Sorteo #	Joker Letter
2719	0 x Jackpot	Proximo Jackpot
4817	0 x Match 4+	320.000,-
1293	0 x Match 4	
MULTI X	0 x Afl. 12,00	
FP		
BIG 4		
Sorteo # 3507	Sorteo # 5713	Proximo Jackpot
0195	0 x Jackpot	79.000,-
	2 x Match 4	
	122 x Afl. 8,00	
DIFF		
Sorteo # 1563	MEGA	
0953	Sorteo #	Mega Ball
	0 x Jackpot	Proximo Jackpot
ZODIAC	5 x match 4	400.000,-
	0 x Afl. 500,00	
Sorteo # 3507	0 x Afl. 50,00	
6135	0 x Afl. 15,00	
Virgo	MEGA PLUS	Afl. 775.000,-
LUCKY 3		
Sorteo # 381	KORSOU	
553	Sorteo #	
MULTI X		
X2		

Lotto ANOCHI
MAART 19

CATACHI	LOTTO 5	17-20-23-32-33
Sorteo # 7593	Sorteo # 2269	Joker 28 Letter I
5346	0 x Jackpot	Proximo Jackpot
2888	0 x Match 4+	320.000,-
0579	1 x Match 4	
MULTI X	78 x Afl. 12,00	
FP		
BIG 4		
Sorteo # 6637	Sorteo # 5712	Proximo Jackpot
8021	0 x Jackpot	76.000,-
	3 x Match 4	
	133 x Afl. 8,00	
DIFF		
Sorteo # 1342	MEGA	
9402	Sorteo #	Mega Ball
	0 x Jackpot	Proximo Jackpot
ZODIAC	0 x match 4	400.000,-
	0 x Afl. 500,00	
Sorteo # 5396	0 x Afl. 50,00	
3538	0 x Afl. 15,00	
Tauro	MEGA PLUS	Afl. 775.000,-
LUCKY 3		
Sorteo # 326	KORSOU	
523	Sorteo #	
MULTI X		
FP		

Lotto MERDIA
MAART 21

CATACHI	LOTTO 5	
Sorteo # 3508	Sorteo #	Joker Letter
1085	0 x Jackpot	Proximo Jackpot
1810	0 x Match 4+	320.000,-
6267	0 x Match 4	
MULTI X	0 x Afl. 12,00	
X5		
BIG 4		
Sorteo # 3508	Sorteo #	Proximo Jackpot
6839	0 x Jackpot	79.000,-
	0 x Match 4	
	0 x Afl. 8,00	
DIFF		
Sorteo # 1564	MEGA	
1955	Sorteo #	Mega Ball
	0 x Jackpot	Proximo Jackpot
ZODIAC	5 x match 4	400.000,-
	0 x Afl. 500,00	
Sorteo # 3508	0 x Afl. 50,00	
1550	0 x Afl. 15,00	
Sagitario	MEGA PLUS	Afl. 775.000,-
LUCKY 3		
Sorteo # 382	KORSOU	
440	Sorteo #	
MULTI X		
X2		



AK

RESTAURANTE Y BAR

Sushi di cura?

Nos ta tir'e afo

AWG 50

OFERTA GRATIS OF RESERVACION
+297 7460815
AKGARDENARUBA@GMAIL.COM

BAN TENE ARUBA LIMPI

Minister Dangui Oduber

UN WEEKEND GRANDI DI CELEBRACION DI HIMNO Y BANDERA



mustra nan talento y nan amor pa Aruba, durante varios show cu a wordo presenta na e publico grandi. E publico a wordo deleita cu baile, musica, entretenimento y tambe poeta.

Diabierna mainta, 18 maart 2022, tawata tin e actonan protocolario riba Plaza Betico Croes cu presencia di nos Gobernador Sr. Alfonso Boekhoudt y tur e mandatarionan y parlamentarionan di Aruba, Corsow y St Maarten. Tambe tawata tin e desfile di gruponan uniforma y scouts. Sigur un mainta bunita pa mira e desfile aki di nos muchanan cu hopi animo y energia.



Himno y wak su Bandera bay halto pa prome biaha den Wilhelmina Stadion, awendia conoci como Stadion Guillermo Prospero Trinidad. Pa esaki mi ta gradici mi tata Nelson Oduber y sigur nos libertador Betico Croes, tambe tur otro persona cu a percura pa awe nos por celebra nos dia nacional. Ami ta sintimi feliz y contento di por ta un Arubiano y di por canta nos mes un himno y tin nos mes un bandera y un fecha special pa celebra esaki.

Durante dia tambe tawata tin varios actividad rond di Aruba cu a wordo bon bishita. Tambe Aruba a ricibi diferente bikers cu a bin di Merca, Corsou, Boneiro, St. Maarten, Surinam y Alemania. Tawata tin un bike ride organiza pa Iron Order MC Aruba riba diasabra y tambe un bike ride di Camacuri organiza riba diadomingo.

Aruba por mira atras riba un weekend di celebracion grandi y nos ta contento di por mira Aruba celebra pasobra nos tur ta orguyoso di a nace riba e pida baranca aki cu nos ta yama Aruba.



E fin di siman cu a pasa, nos pais a celebra su dia nacional, dia di nos himno y bandera. Despues di 2 aña dificil cu e crisis di pandemia di Covid-19, porfin Aruba por a sali y celebra e fecha importante aki pa cada un di nos cu a nace of ta biba na Aruba.

Arubianonan den grandi a celebra e dia aki. 46 aña pasa Aruba a canta su

Diahuebs anochi, 17 maart 2022, gobierno di Aruba a organiza un manifestacion cultural riba Plaza Betico Croes. Un bunita anochi caminda esaki a wordo asisti pa Ministernan di Gabinete Wever Croes 2, Minister Heydoorn di Corsow, minister di St Maarten, presidente di Parlamento di Aruba y Corsou y tambe miembronan di parlamento di Aruba y Corsow. Un anochi caminda hopi Arubiano a haña e oportunidad pa



Adicto ambulante a baha carson y muestra dos mucho su parti intimo





Dialuna mainta a drenta informe di cu tin un adicto ambulante cu ta scirbiendo cu permanent marker cosnan vulgar na propiedad priva y tambe muestra su parti intimo na muchanan chikito banda di Botica Oduber, mesora a dirigi un patruya na e

sitio. Na yegada di e patruya a bin compronde cu aki ta trata di e conocido adicto ambulante C.G. cu a muestra su parti intimo na 2 mucha chikito cu tabata cana cu un dama y e dama a zundra y core bay pero polis a haya sa di e fechoria di scirbi e cosnan na



muraya y propiedad priva. Polis a topa cu e ambulante y a pone haci e cosnan cu ela scirbi limpi y a solicita presencia di e vehiculo di transporte pa asina hiba e adicto pa Respaldo.



Parokia San Juan Pablo II

Bo opinion y participacion ta conta y ta importante.
Laga nos sa kiko falta den nos Iglesia/nos Parokia.
Nos ta warda bo sin falta pa comparti cu nos.

Pastoor Jan cordialmente ta invita bo persona y bo famia pa participa na e Asamblea Sinodal di nos Parokia.

Invitacion Asamblea Sinodal

Dia: diaranson 23 maart 2022

Ora: 7-9 pm

Lugar: Misa San Juan Pablo II

FORTALEZA PA FAMILIA

Scirbi pa Pastor Marcel Balootje

COMUNICA CU DIOS



Señor nos ta bini dilanti di bo trono di gracia awe , y nos ta reconoce cu bo ta Dios Todopoderoso, Rey di Reynan y Señor di Señornan ..

Pesey den number di Cristo Hesus nos ta bini contra tur poder di malesa, tur poder di scuridad, tur poder satanico, tur nubia scur cu ta rondona e isla aki y nos ta yama riba e Sanger di Cristo Hesus cu a wordo derama riba sero di Golgota y tin poder pa tumba tur muraya di malicia , tur locual cu ta contra e palabra di Dios, tur desobediencia ta wordo bashi abao, den number di Cristo Hesus,

Nos ta bini contra e spirito di coronavirus cu kier domina e isla aki, y nos ta reprende den number di Cristo Hesus , tur spirito di malesa tin cu bay pa tera seco den number di Cristo Hesus.

Nos ta cubri Aruba y tur isla di Caribe Hulandes bao di e sanger di Cristo Hesus y nos ta declara cu Aruba ta pertenece na Cristo y cu ningun forsa di scuridad y ningun malesa of virus por domina riba e isla aki.

Señor habri wowo di tur hemde , pa nan realisa y acepta cu Hesus Cristo ta Señor y den Su Number nos ta mas cu vencedor.

Señor nos ta yama bo danki pa scucha y contesta oracion, pasobra solamente den Bo number tin poder, pone Bo man riba cada cas di famia, riba tur dokter y tur frontliners , polis etc y cuida nan den number di Cristo Hesus amen.

Asina nos ta comunica cu Dios den number di Cristo Hesus, pasobra tur locual

nos pidi Dios den number di Cristo Hesus e ta duna nos.(Juan 15:7)

Jeremias 29 ver 12 + 13 ta bisa: Anto boso lo sclama na MI y haci oracion na Mi y lo Mi scucha boso.

Y boso lo busca Mi y haña Mi si boso buscami di henter boso curazon, 1 Tesalonisenses 5 vers 16— 18 ta para scirbi : Regocija semper, Haci oracion sin stop , Sea agradecido den tur cos , pasobra esaki ta e boluntad di Dios pa boso den Cristo Hesus .

Nos tin nada mas grandi ora nos tur realisa, cu nos tin mester di oracion, cu nos tin mester di Dios y cu nos tin cu depende di Dios, pasobra ora nos ta obediente , ta un muestra cu nos ta somete na Dios, 1 Timoteo capitulo 2 vers 1 – 5 ta para scirbi: Pesey prome cu tur cos mi ta exhorta , pa suplica, oracion , peticion y gradicimento wordo haci pa tur hende, pa Reynan y tur esnan den autoridad , pa nos hiba un bida trankil y den tur santidad y dignidad.

Esaki ta bon y aceptabel den bista di Dios nos Salvador.Kende ta desea pa tur wordo salba y yega na conocimiento di e berdad. Pasobra ta un Dios so tin, y un Mediador entre Dios y hende , e hende Cristo Hesus.

Un biaha mas nos ta pidi pueblo nan tur pa uni den oracion, pa confia den Señor pasobra den Señor nos Dios tin poder pa salba, pa sana,libera y paz. (Isaías 26 v 3+ 4).

Sinceramente
Pastor Marcel Balootje.

“Vasquez Contractor & Sales N.V.

tin e tristo deber di anuncia cu diamars aki 22 di Maart nos lo ta sera pa entiero di nos familiar stima, ruman y tanta

Johanna Betty Salomon-Vasquez

Please tuma nota cu nos lo ta habri bek diaranson 23 di Maart.

Nos ta aprecia e pasenshi y comprension.

Management - Vasquez Contractor & Sales N.V.”



**FUNDACION VENERABLE
JOSE GREGORIO HERNANDEZ
TANKI LEENDERT 128**



Ta invita

Nos devotonan contruibuidor y pueblo di Aruba en general pa asisti na **CAMINDA NAN DI CRUZ** Laga nos cuminsa nos cuaresma jen di positivismo y gradici Dios pa tur e fabornan ricibi

ATENCION

**DIANAN 23,30 DI MAART 2022
Y 6 DI APRIL 2022
ORA 7.OR DI ANOCHI
LUGAR SITIO DI ORACION**

Boso precensia ta altamente aprecia

Oracion di dia

**Un feliz dia bendiciona y
cu Dios colma boso cu Su amor y
misericordia infinito**

”Bo mester a tene misericordia cu bo compañero cria mescos cu Ami a tene misericordia cu bo” Mt. 18, 33

Den e Evangelio di awe Hesus kier muestra nos, cu nos mester ta misericordioso manera e rey cu a pordona su cria tur su debenan na momento cu el a rog’e pordon. Y no sea manera e cria cu a haya pordon di e rey y no por a pordona su mesun cria. Señor ta spera pa nos tin un curason humilde y compasivo cu nos rumannan. Mes-cos cu nos kier ricibi pordon di Dios nos mester pordona nos rumannan cu a falta nos den algun momento. Nos tur como ser humano sa comete erornan y ta spera pa nos ser dispensa y pordona. Señor tambe ta spera pa nos tin mesun misericordia cu nos prohimo.

Oracion: Señor, Yuda nos pa cada dia nos por tin un curason misericordioso pa nos por siña pordona. Pa asina nos por biba cu un curason limpi y bunita manera Hesus.
Amen.



FORTALEZA PA FAMILIA

Scirbi pa Pastor Marcel Balootje.

BO TABATA SA ,CU TA DIOS, TA SOSTENE NOS?.

Orguyo y arrogancia, sabiduría mundano, ciencia y tecnologia, a pone cu hopi hende ta kere cu nan por sostene nan mes. Y mas cu tur cos e engaño di placa, rikesa y poder, a lanta un locura den hende, cual ta pone nan perde respet pa Dios y su poder, y ta kere den nan mes.

Pero tur esnan cu a kere of ta kere cu nan ta grandi y cu nan tin poder, y cu no tin mester di Dios pasobra nan tin tur cos, a termina na malo, of a wordo destrui, of hiba na cama di malesa te ora morto a presenta. Ta hopi nomber por wordo menciona, pasobra keto bay tin hende ta purba, sin mira e resultado di esnan cu a bay prome cu nan.

Pero awor OJO, wak bo caya, wak bo hogar, pa abo no cay den e trampa diabolico aki, di pensa cu abo ta cla, y cu bo no tin mester di Dios, cuidao cu aparta di Dios, no laga nada aparta bo for di e caminda di Dios, pasobra ta Dios ta sostene tur cos.

Rey David a bisa den Salmo 121 vers 1+2 ; Mi ta halsa mi wowonan na e serunan for di unda mi yudansa ta bini? Mi yudansa ta bini for di Señor kende a traha cielo y tera.

David a nota como gobernante cu ta Señor ta sos-

tene, pesey den tur cos cu David a consulta Dios e a sali David di bon.

Rey Salomon a pidi sabiduría prome cu cuminsa goberna, esey ta nifica cu e a busca sosten di Dios y no di hende.

Rey Ahab un mal rey, tabata busca sosten di hende, pa e bay guerra y e a wordo herida y a muri ora e bataya a termina.(1 Rey-nan 22:34).

Ora ta trata di nos familia, nos mester compronde cu ta Dios ta sostene nos, y con grandi e salario por ta, e no ta alcanza ora malesa bati na porta, pasobra placa no por cura hende, sanacion ta bini di Dios.

Propiedad no ta salba hende, pasobra ora nos sera nos wowo tur cos ta keda atras, nos no por bay cu nada.

Isaias Capitulo 41 ver 10 ta bisa: No tene miedo, pasobra Mi ta cu bo, no desmaya, pasobra Mi ta bo Dios, Lo Mi fortalece bo, si lo Mi yudabo, si, lo Mi sostene bo cu e man drechi di husticia.

Aki nos por mira cu nos mester depende di Dios y consulta Dios, y biba segun e palabra di Dios, y no haci nada pa nos cuenta, no gamble cu nos bida, ni ta poco confia den webo di

gai, corre leu for di bruheria, y wanta firme na e palabra di Dios.

Isaias Capitulo 41 vers 13 ta bisa: Pasobra Ami ta Señor Bo Dios, Kende ta sostene bo man drechi, Kende ta bisabo: No tene miedo lo Mi yudabo.

Salmo 54 vers 4 ta bisa: Mira, Dios ta mi yudado: Señor ta esun cu ta sostene mi alma.

Cristo Hesus ta e gobernador di bo hogar, e ta e pilar principal, no entrega e derechi di goberna bo hogar den man di satanas, pa motibo di necesidad, no bay den inmoralidad y asina perde bo integridad y pone cara di Dios na ber-



guensa.

Tempo ta trabahoso, pero un cos nos sa sigur cu tur

esnan cu confia den e sosten di Dios lo ta mas cu Vencedor.



Top95fm

Posted by Creator Studio for iOS

1m · 🌐

Bo ta un Early Bird? Renobando nos programacion; Tin oportunidad pa un Early Bird energetico, pa traha di 5am pa 7am.. Nos ta open pa scucha; SEA ta gospel, balada, "lanta'riba".. of programa di oracion of un combinacion. Pa mas informacion, tuma contacto cu nos. top95fm@gmail.com





HOTLINE



744-0444

CAPT'E
Y MAND'E



Minister di Enseñansa y Deporte tin e tristo deber di anuncia fayecimento di:



Sr. Gabriel Alejandro "Ale" Werleman

*27 februari 1936 - †16 maart 2022

Palabranan di profundo Condolencia y
forsa na su yiunan y henter famia.
Cu tur bunita recuerdonan yena boso cu fortaleza.
Cu Papa Ale drumi dushi den brasa di Señor.

Na bida tata di nos bon amigo y campañador Rodney Werleman

Endy Croes

Minister di Enseñansa y Deporte
Endy Croes



		6	4	8	1	3		
	2						4	
7								9
8				9				4
6			3	4	2			1
5				6				2
3								5
	9						7	
		5	7	1	6	2		

7	8		4			1	2	
6				7	5			9
			6		1		7	8
		7		4		2	6	
		1		5		9	3	
9		4		6				5
	7		3				1	2
1	2				7	4		
	4	9	2		6			7

Sopi di Letranan

H E M I S F E R I O R I C
 A I I P R D M N N Z R J E
 F N P T A I M E O E Y K R
 E R I O U I M U C T G L E
 S X F L T T U R Q R N Ñ B
 R O P L E A J O E O M A E
 H M B V J I L N X C R T L
 A L A D G I M A C N A I O
 S I S P A N I S M V I R J
 B H K I K O L U B O L D Ñ
 H I P O F I S I S G G N P
 F K L Ñ O L A F E C N E O
 T O O P M A C O P I H D K


Amígdala
 Axón
 Cerebelo
 Dendrita
 Encéfalo
 Glía
 Hemisferio
 Hipocampo
 Hipófisis
 Hipotálamo
 Lóbulo
 Mielina
 Neurona
 Sinapsis
 Tálamo

El destino te
presentará
dificultades, pero tú
puedes presentarle
remedios.

STOP CU
HUMAMENTO
TIN HOPI
BENEFICIO



Salud



Salud Mental



Financiero